

Finanzrechnung von Oudorf
1576.

II n
4965







Q

New zeytung/
 R. legliche / jemmerliche
 vnd warhafftige Beschreibung / von
 der Einnemung vnd plünderung der weit vnd hochberümbten
 Stadt Antorff / im Herzogthumb Brabant gelegen /
 Vnd was sich von dem 2. Nouembris / bis
 auff den 16. tag allenehalben zuges
 tragen hat.



ANNO M. D. LXXVI.



Blatt 1. 1.
28



Auff den Freitag aller Seelen tag 7

den 2. Novembris / Anno 1576. seind der Stedten dieser
17. Lendlein Kriegsvolck / vngesehrlich zu 2. Uhrn / nach
Mittag von Brüssel / durch Mecheln für diese Stadt Antorff
Komen / vnd als bald darein begert / Als nemlich der junge Graff
fe von Egmont / der Herr von Hanrot / mit vielen andern Herrn
vnd fürnemsten Hauptleuten / zu Ross vnd zu Fuss. Item der
Herr von Brenkes / vnd andere zu Ross / meist theil Welschē vnd
Sackenschützen / vnd 120. Niderlendische vnd Wablonische
leichte Pferde / darunter etliche Ordinari Bendon also genant /
für ende des Herzogen von Arschots Wappen / vnd darneben
eingekrönet Herz / fürgerwendt / wie das sie gewis wüsten / das
man mit denen zu Antorff / nichts bessers / aber wol viel ergero /
denn man mit denen zu Mastrich handeln solt / zuuerstehen / das
man die Stadt Antorff durch das Hirsich Schlos mit allerley
Spaniern / etc. vnverschenlichen vberfallen / vnd blündern würd
de / Welche zu vor kommen / weren sie in grosser eil zu tag vnd
nacht viel Meil weges / sonders essen vnd trincken hergezogen /
begerten derhalben / wie gemelt / in die Stadt zu kommen / sie we
ren allda als Freunde / vnd weren gar nicht der meinung / die
Deutsche Besatzung als Graff Ott von Ebersteins 9. vnd
Heupelman Cornelis von enden 4. Hochdeutsche fehnlein
Knecht / welchs zu nechsten Antorff gelegen / an irer wache zu
vorhindern / zu beschedigen noch einig leid zu thun. Welchs der
Herr von Campaigni / dieser Stadt Antorff Stadthalter / der
des Cardinals von Gramuella Bruder ist / sampt dem Graffen
von Eberstein / vnd dem Rath dieser Stadt iren berath genom
men haben / vnd inen zu entboten / das sie inen in 24. Uhrn / oder
vielleicht balder Antwort geben wolten / also haben sie den folg
genden vor Mittag / als auff den Samstag den 3. dato in irem
Rath befunden / das sie der Stedten Kriegsvolck herein lassen
wolten / vnd des hieschen Schlos macht vnd dreyung erwartē /
haben auch als bald der Stedte Suuolck nechst gegem schloss

von St. Mich. Kloster bis zu S. Georgen Kirchen/ die Reuter
aber auff den Pfermarck/ vnd dergleichen örter geföhret vnd ge-
legt/ vnd haben die Bürger alhier auff den Staeten Volck bes-
geren/ vnd des Heisigen Rahts befehl / von stundan angefangē
ein Kampart oder Gegenstür mit Wölsecken vnd Rötballen/
zumachen/ vnd das Erdreich auffzuwerffen/ das dieselbige Ge-
genwehr in 24. Stunden vnangesehen/ des hellen Monscheins/
vnd des Schlosses grausamen schiessens/ vnd Feuerwerffens
dermassen gehöret/ das die Stadt gegen dem Schlos (so man
vermeint) in zimliche Defension komen/ ist auch schon etlich gros
Geschütz aus der Newstatt/ so man alda gegen dem Geusen ge-
braucht/ an etliche ort/ sonderlich aber auff der Schirmer oder
Sechtmeister Hoff auff die Feste vnd Höhe bey S. Georg. oder
Keyserischen Thor gebracht worden/ daraus man indas schlos
geschossen/ vnd schaden gethan hat. Aber nach dem der Castels
lan von gemelten Heisigen Schlos/ Samsen Dauilla genandt
den Rebellirten Spaniern zu Alst in Flandern vmb hülff ge-
schrieben/ vnd die Stedten kein Triegsvolck bey S. Bernhards
Kloster. Weil außserhalb der Stadt hinder dem Schlos an/
das Wasser die Schelt genandt/ gestelt haben. Alda solche spa-
nier nur mit 100. personen auffeinmal hierüber kommen können
vnd also daselbst am Wasser/ wen der halbeheil herüber kom-
men/ gar gut zu schlagen gewest/ wie man auch hie in der Stadt
nicht anders wüste/ den es wehren noch viel von denn Stedten
Kriegsvolck zu Fuß vnd Ross/ bey S. Bernhard/ vnd hinder
am Schlos/ so hetten die Spanier/ so ins Schlos wolten/ ge-
wis geschlagen werden können/ etc. Es ist aber von den Stätē
Kriegsvolck niemandt außserhalb der Stadt blieben/ doch des-
halben Wacht gehalten/ sondern seind alle herein komen/ vmb
wol gettractirt zu werden/ vnd nit auff die principale Kriegs-
stückhen hie zu gedencken/ Derhalben so seind leider gemelte Kes-
pellirte Spanier von Alst bey 2000. zu Fuß/ auffn Sonntag
frü den 4. Dato/ sonder einige Gegenwer// durch vorgemelte
Wasser/ vnd als bald mit noch 1000. andern Spaniern zu Fuß/
vnd vngesährlich 800. leichte Pferde/ die von Mastrich Lyer zu-
nem

ihnen kommen seind/ gegen dem Hiesigen Schlos gezogen/
welchen der gemelt Castellan mit 40. Pferden vnd etlichen
Zackenschützen entgegen geritten/ sie alle willkommen geheiss
sen/ vnd jnen gedanckt/ das sie seinem schreiben glauben geben
haben/ vnd jme zu hülff kommen/ sie auch ferner darauff/ als die
beste vnd erfarnste/ alle Königliche Spannische soldaten/ auff's
höchst ermant/ die Stadt Antorff/ sondern lenger verzug/ vnd
ehe sie die Gegenwehr/ so allbereit darinnen angefangen/ stercker
machten/ anzugreifen vnd zu stürmen/ vnd so sie die/ wie er gar
nicht zweiffelte/ eröberten/ wöl er sie nicht allein Köy. Mai. etc.
zu Hispanien/ irer begangenen Rebellion halben ganz frey/ led
dig vnd los/ sondern sie auch ires ausstehenden Rests irer Bes
soldung/ gewis bezahlt machen/ vber das geb er jnen die köstliche
reiche Stadt Antorff zu plündern/ vnd zu verbrennen/ ires gefal
lens frey (wie denn irer jeder einen wüsch Stro auff jren Sturm
büten herein bracht) auch die Bürgerschaft/ vnd derselben
Rath noch irer selbst Discretion todt zuschlagen/ oder zu Rans
zoniren/ allein begerend keine Gefangene ins Schlos zu bringen
denn er würde noch köndte die nicht herbergen/ Auch wöll er
jnen zu hülff/ im vorzug etliche von seinen selbst Spanniern aus
dem Schlos mit geben/ oder jnen selbst den vorzug lassen/ wie es
jnen selbst am liebsten betten/ vnd gelegen weren. Darauff habē
sie sich versamlet/ vnderredet/ beschlossen/ vnd zusammen ges
schworen/ allzumal/ sander widerkehren todt zubleiben/ oder
aber die Stadt Antorff zu eröbern/ Seind also auff vorgemelten
Sontagnach Mittag/ vngesehr vmb zwey Uhr/ neben dem
Schlos gegen der Stadt angefangener vnd mit auß gemachter
Gegenwehr/ mit solchem grausamen geschrey/ ernst vnd behar
ren gezogen/ das sie dieselbe Gegenwehr/ vberstiegn/ die Wels
chen vnd Bürger/ so noch Erden auff die Gegenwer/ getragen/
gearbeitet/ vnd Wacht gehalten haben/ an etlichen orten vnuer
sehnlich vberfallen/ erschossen/ erstochen/ vnd jemerlichen ers
schlagen. Also von stundan die nechste Strassen der Stadt/ ehe
der Kerst der Welschen/ in einige rechte ordnung komen mögen
zuingenommen/ die Heuser auff dem Flachßmarkt (deren gar vil
auff

auff den grund abgebrunnen) angezündet/ vnd also fürder auff den
grossen Markt/ bey dem newen Stadthause/ vnd auff der an-
dern seiten ein hauff Spanier in die Meer gegen der newen Bur-
sche kommen/ vnd eingedrungen/ vnd die Deutschen Landsk-
necht/ so alda vnd sonst allenthalben/ starcke Wach gehalten vnd
sich gegen ihnen zu Wehr gestellt/ etc. Gleichfalls erschossen/ er-
stochen/ vnd erschlagen/ eins theils von des Hauptmans wegen
Corneli von Enden/ Hochdeutsche Landsknecht/ vnd Graff
Hannibal Volck/ nemlich/ 4. Jenlein/ seind zu den gedachten
Spaniern gefallen/ es hat sie aber niches/ oder do gar wenig
geholfen/ ist der meiste theil auch umb kommen.

Die Bürger seind on Obersten nach ordnung in der Stadt
hin vnd wider gelanffen/ eins theils auff den Ochsen/ eins theils
auff dem Pferdmarckte/ verborgent vnd (wie sie von dem Herrn
von Champaigin ihrem Stadthalter gehört) als ein Ordnung
zu finden/ oder selbst zumachen/ sie sind aber allenthalben von
den Spaniern vberreitet worden/ vnd hat sich also leglich ein
jeder/ der kont nach Haus begeben/ vnd in die Keller/ auff die
Söller/ vnter die Coruey/ Matscharten/ Holz/ Hertz/ Stro/ vnd
dargleichen verborgen/ auch sich auff die Techer der Huser bes-
geben/ vnd sich hinter die Camerthen oder Camin versteckt/
vnd den Mehren theils hernach im plünder gefunden/ auch in
gegenwart Weib vnd Kinder jemmerlich erschossen/ erstochen
vnd erschlagen worden/ sonderlich aber die jenigen/ die kein bahr
Gelt oder Silber geschirr/ etlicher mehr/ bey ihnen gehabt. Den die
Spanier haben als balde nach erlangtem Sieg vnd ertödtung
der Welschen/ Hochdeutschen/ vnd etlichen Bürgern/ denselben
Abend vor Nachts zeit noch gefangen die Huser auff zu stossen
dieselbe einer vor/ der andern nach sampt allen Backheusern/ auch
fremden Nationen Güter zu plündern/ zu uerführen/ vnd vnter
einander zu werffen/ wie ein jeder (Gott erbarm es) dem es im
Himmel drohen mus geflage sein/ hernach mit der zeit wol ver-
nehmen vnd hören wird/ auch haben sie das köstlich vnd schön
Stadthaus allhie vnd runde herum der fürnemste Bürger vnd
HildeBrüders Häuser/ daraus man sich gewehret hat/ in brand
geschossen

geschossen/ vnd sonst angezündet/ also das am Rathause/ nichts
mehr denn die bloße Mawren/ vnd der schwarze kleine Adler
darauß stehen/ vberblieben ist/ vnd umbgemelt Stadthaus her
vmb/ haben sie etliche Heuser. sonderlich aber den Silber Pfand
als bald geplündert/ darnach denselben Pfand/ mit viel andern
Heusern/ mit starcken Feuer angezündet/ also das der grosse
Marck eins theils/ vnd von gemelten Silberpfand/ bis an das
Fleischhaus. da wol 400. Heuser gestanden/ in den grund abge
brunnen sind/ mit sampt nach der Käse vnd Zuckerew hinter
dem Stadhaus/ vnd auch auff der andern Seiten desselben/ bis
auff Franz Schotshaus/ vnd der Corgewagen Brück/ schier
bis an das gros Wasser/ dadurch ein grausamer/ grosser/ erberm
licher schade/ an allerley Gut/ als Wolle/ Tücher/ Leinwat/ Ca
nefas/ Papir/ Specerey/ Oel/ Zucker/ Speck/ Käse/ Butter oder
Schmalz/ etc. welches schier nicht zu schetzen/ geschehen ist. Vñ
hat solcher Brand vnd Plünderung bis gestern Abends/ den 7.
Dato geweret/ vnd gehet an etlichen örtern/ da es die Spanier
nicht bewaren/ noch immer fürder/ Denn was die Spanier vber
bleiben lassen/ das haben etliche vmbgefallne/ auch mit den
Spaniern herein kommen/ Deutschen/ als Suggerrische/ etc. fort
geplündert/ Sind also die Heuser/ Backheuser/ vnd verfürte Gü
ter/ da kein Volck mehr gewesen/ zum theils offtermals geranzos
nirt/ vnd letztlich noch geplündert/ weggeführt/ ja etliche gar ver
brand worden.

Die drey Hochdentsche Obersten vnd Freyherrn/ als der
von Vollwill/ Freundsberg/ vnd Suggerr/ sind vor einlassung
der Stedte Kriegsvolck im hieschen Schlos mit ihrem Ober
hoffgesind gewichen/ denn ihr Kriegsvolck der meiste theil weit
von hinnen/ vnd an mehr orten zurstrewet/ inn Besatzunge geles
get worden/ Aber Graff Otto von Eberstein/ etc. welcher sein
Kriegsvolck/ den meisten theil allhie in der Besatzung gehabt/
vnd sich gewehret/ Ist/ wie man sagt/ erst in der newen Stad all
hie letztlich im fliehen vmbkommen/ jedoch noch nicht gefunden
worden. Der junge Graff von Egmond/ sampt dem Herrn von
Capres/ ein alter Welscher Kriegsmann/ der jetzt viel böser Ges
schrey hat/

schrey hat / sind gefangen vnd gewis auff Hiesig Schlos gefüh-
ret. Der Herr von Lauret vnd Herr von Campaign / so sich an-
senglichen gerechret / haben sich leglichen in ein Klein Schiff be-
geben / vnd sind nach dem Gensen / oder zum Pringen von Ora-
nien gefaren. Etliche vermeinen aber / sie sind von den Spanis-
ern unterwegen noch ergriffen / vnd ins Wasser geworffen wor-
den / den grund gibt die zeit.

Die sage ist heut / das des Obersten vnd Freyherrn von
Freundsbergs Hochdeutsch Regiment herkommen werde / vnd
sollen die Spannier nach der Stad Mecheln vnd Brüssel / etli-
che vermeinen nach Gent ziehen / das Schlos aida zu retten / die
Spanische leichte Pferd / seind meist theils schon wider von hin-
nen auff's Land herumb allenthalben geleyet / bis nach Meche-
len / tc. Gott der Herr wolle die arme unschuldige Leut allent-
halben vor solcher vnserer straff vnd dergleichen jammer gnes-
diglich beschützen vnd beschirmen / vnd ihnen allenthalben bes-
sern Verstand vnd Weisheit verleihen vnd geben / auch sonder-
lich der Stedten Kriegsvolck vnd Regierung / dadurch wir lei-
der jetzt gegen vnsern gedancfen verhoffen noch sorgen / so er-
bermlich vnd jennierlich gestrafft worden sind / Also / das zu bes-
sorgen ist / diese Stadt Pomme in 50. Jahren / ja nimmermehr wi-
der zu jr selbst. Gott der verleihe bessers / vnd allenthalben erge-
ligkeit.

Auff heut den 8. Dato / etc. hat man hie publicirt auch als
bald allenthalben angeschlagen / das man hie niemand mehr
todtschlagen / plündern / noch einig Gut weiter aus der Stadt
ins Schlos führen noch bringen sol / sondern die Güter in der
Bürger vnd ihren Backheusern / auch andern örtern vnbestüm-
mert ligen zu lassen / vnd allein die Ranson davon zu begern / zu
entpfahen / vnd hinfort damit zu frieden vnd begnügig zu sein /
bey Leibstraff / etc. Welchs (Gott hab lob) ein zeichen ist / einer
neuen gar notwendigen Pollicey vnd ordnung.

Es wollen auch etliche jzt sagen / der Graff von Eber-
stein sey mit dem Herrn von Lauret vnd Hiesigen Stadthaber
Champaign / etc. gen Hiesingen / vnd fürder gen Mittelberg
zum

zum Prinzen von Oranien Komen / Aber der jung Graff von Eg
mund vnd der Herr von Capres sind gewis gefangen / vnd sampt
dem Hauptman Cornelis von Enden / auff das hiesche Castell
oder Schlos gefürt / was man mit solchen gefangenen fürnemē /
sie in harte vnd schwere Gefengnis legen / richten / oder auff eine
Condition wider ledig lassen werde / darvon höret man noch
nichts. Gott der Herr wolle jnen vnd vns allen helffen / vnd vn
ser Seelen Seligkeit verleihen.

Das vorgemelt plündern hat / vnangesehen / des verbots
noch immer bis auff den 9. Dato / gewehret / mit was schrecken /
drewungen / Marter vnd Tods / die Bürger vnd auch die Aus
lender vnd frembde Nationes / jr Armut vnd Güter verloren ha
ben / ist nicht zu schreiben / viel weniger auszusprechen.

Es hat aber ein jeder verstendiger selbst gut zu bedencken
vnd zu erwegen / wie es in solchen fällen / hendeln / eilenden vnd
vnuersehenlichen vberfallen / vnd gewaltigen einnemungen vnd
verwüstungen / sonderlicheiner solchen weitberühmbten / reichen
Kauffstadt / als Antorff / zugehet / Fürnemlich / dieweil man
doch niemands / ja nicht einer Nation / es sey gleich Engelseher /
Deutsche / Osterling / Italianer / Portugaleser / oder Spannische
Einwoher verschonet / noch einigen Vorteil gethan hat.

Jetzt hat man Zeitung / Das der Herr von Hauret / der
Herr von Campaign / hiescher gewesener Stadthalter / mit noch
einem andern Herrn / des Namen man nicht weis / zu Schiff
gen Flessingen / vnd nachmals gen Mittelburg zum Prinzen
von Oranien ankommen sind / Inen aber an beiden örten nicht
viel guts noch ehre bewiesen / angethan noch erzeiget / Von den
sind also von dannen nach Flandern gefahren / vnd letztlich zu
Gent ankomen. Man hat alle Spanische Pferd aus der Stadt
geschickt / die haben dem Rest der Ebersteinischen geflohenen
Deutschen Landsknecht / aller aufferhalb dieser Stadt vmb
bracht / vnd nachmals geplündert / also / das die hieschen Gelt
schreiber schon zu frieden / vnd jre bezalung auffeinmal semplich
empfangen haben.

Der vorgemelte Heubtman Cornelius von Enden / den 4.
Senlein

B

Fenlein' Hochdeutsche Landsknecht allhie gehabt / vnd auff dem Schlos allhie gefangen ligen / der ist schon wider ledig vnd loß gelassen / so zu der einlassung der Stedte Kriegsvolck auch geholffen / Wie es hie manchem allerley gedanken gibt vnd macht / ob die sachen treulich gemeint vnd vollbracht sind.

Etliche Hochdeutsche Landsknechte / so mit den Spaniern in diese Stadt kommen sind / haben grünes Laub auff den Hüten oder Sturmhauben gehabt / das sie für andern Hochdeutschen zu erkennen.

Die Repellirte Spanier sind alle wider vnter jr Regiment gebracht / vnd ist jnen all jr Missethat / etc. von Castellan Samson / Davilla / verziehen vnd vergeben worden.

Dieweil die Spanische leichte Pferd / fast alle noch vmb Antorff herum ligen / so ist nun allhie grosse Thewrung zu besorgen / Gott der Herr behüte vnd verleihe / das am Getreide kein grosser mangel erscheine / Amen.

Das Landvolck hierumb ist allenthalben flüchtig vnd zu Herrnhals / 4. Meil von binnen / darinnen etliche wenig von der Stedten Kriegsvolck gelegen / ist jederman aus dem Stedtin geflohen / die Thor auffgethan / vnd sind also / wie man dara ein kornen / oder durch gezogen / nicht mehr denn zwö Frauen darinnen gefunden worden.

Bommener / die Festung bey Sierickzee / auch die Stadt Sierickzee selbst / mit allen umbligenden Flecken vnd Festungen / im Seeland / haben die Spanier erstlich / nachmals vnd letztlich auch die Welschen verlassen / Also / das sie alle widerumb in des Prinzen von Oranien gewalt kommen sind / vnd geschicht / je jzund allenthalben eine wunderliche grosse verenderung / etc.

Man sagt auch für gewis / Den Jan de Austria / des Königes zu Hispanien Bruder / sey im Land zu Lüneburg mit 200. Pferden vngesehrlich ankomen / vnd er solle von den Spaniern zu Mastrich teglich eingeholt vnd empfangen werden / auch allhie vnd nicht zu Brüssel / sein residenz oder Hoffhalten / vnd verhoffen etliche / er bringe macht vnd befehl vom König / wider Frieden zu machen / welcher gestalt aber solcher sein werde / sonderlich

berlich in dem die Spanier in diesem Niderland bleiben solten /
solchs ist dem lieben Gott befanndt / der wolle vns mit seiner
Barmhertzigkeit beywonen.

Die Bürgerschaft zu Mechel / haben noch 5. Fenlin Wels-
chen in der Stadt / sie sind aber da auch schon vntergangen / vns
einig / Gott wolle inen wol vnd weißlich zu handeln / seine Gött-
liche Gnad verleihen / vnd sie vor vnfall vnd schaden gnediglich
vnd Väterlich beschützen vnd beschirmen.

Von Brüssel vnd Gent höret man noch nichts besonders /
etliche vermeinen / die Stedte in diesen Niderlanden werdens
darbey nicht bleiben / noch also schendlich ligen lassen / Man
verhofft / weil Don Jan de Austria in diese Niderland (wie man
für gewis sagt) kommen ist / die sach sol sich zur besserung schiz-
cken / vnd wider friede werden / wo aber nicht / so ist nur eines gröf-
fern Kriegs / denn bisher zu besorgen / den verfolg gibt die zeit.

Den 10. dieses / nach Mittag / hat man den Graffen von
Eberstein in der Newstat ertruncken gefunden / hat seinen Zars-
nisch vornen am Leib / vnd an einem Finger einen schönen köst-
lichen Diemat Ring gehabt / den hat der Castellan Samson
Daulla vberkommen / vnd dem / der den Graffen gefunden / 50.
Cronen oder 100. Carolus Gilden dafür verehret.

Vorgemeltes alles / ist fast das jenige / so sich den 2. Dato
leider allhie zugeragen hat / vnd sind / wie man ansrechnen kan /
vngesährlich 6000. Personen / meist Welschen vnd Hochdeut-
schen / der wenigste theil Bürger tod blieben / Jedoch sind etliche
Bürger / Weib vnd Kinder verbrunnen vnd ertruncken / Derhal-
ben man keine gewisse zahl noch wissen kan / denn sie werden
noch teglich gesucht vnd tod gefunden / Jedoch sollen verhoffen
lich vber 500. Bürger nicht vmbkommen / sondern der Rest / so
man vermist oder mangelt / noch jrgends versteckt / oder sonst
aus der Stadt kommen vnd entrunnen sind.

Die meiste vrsach dieses vnsers Vnglücks / ist entsprossen /
oder erwachsen / das der Stedte Kriegsvolck keine Pomrs oder
Schantzgreber mit sich her gebracht / noch auch die Schantzen

ordentlich zu machen / gute ordnung gegeben / desgleichen die Gassen gegen dem Castel oder Schlos ligend / nicht auffgegraben haben / noch auch dieselbige weder mit Geschütz noch anderer Notwendigkeit versehen / sondern es haben die Herrn allein miteinander gezecht / gessen vnd getruncken / ja frölich gewesen / die Welschen besonder Puluer / vnd die Bürger besonder starke Wache an der gegenwehr allein machen lassen.

Dieweil denn gar kein Kriegsordnung vorhanden gewesen / die Feinde auch solchs durch jr ausfundschaft des Schlosses vnd der Stadt alles zuvorn vnd wol gewusst / sind sie desto beherzter herein gefallen / auch sich die Welschen desto weniger / ja wol verzagt gehalten / vnd sich schlecht gewehret. Auch hat der Stadthalter / der Herr von Campagin / die Bürger erst in die Rüstung zu kommen ermanet / da die Feind schon in der Stadt vnd in vielen Gassen derselben gewesen sein / sonst weren der Bürger so viel nicht umbkommen / denn so sie solchen vberfallen gewusst / weren sie keines weges in ire Wappen komen / sondern ein jeder zu Haus blieben / das seine zu bewaren. In Summa / alle ding sind gar verechtlich / sonder sorg vnd one einige gute Kriegsordnung zugegangen / jederman hat / doch vnuerstendiger weis / vermeint / dieweil nu der Städte Kriegsvolck starck herein komen / so were es alles gut / vnd sicher versehen / vnd gar wol ausgericht / Man wolt auch den Spaniern durch hiesche newe Besatzung der Welschen das Schlos bald abgewinnen / sagend vnfürgewandt / es were kein beherzter Spanier mehr in diesem ganzen Niderland vorhanden / also hat man den Feind veracht / vnd sich mehr auff der Menschen / denn auff Gottes hülf verlassen / so hat vns auch Gott vmb diese vnd anderer grossen Sünden willen / vnd nicht vnbillig gestrafft / Ob nu auch einiger heimlicher verstand darneben vnd mit vntergelassen sey / dz weis Gott / Viel achten solchen gleichen vnd vnbesorgten vberfall / für eine augenscheinliche / offenbarte / gerechte straff Gottes / so vber diese Stat Antorff / vmb irer grossen Sünden willen hat gehen sollen vnd müssen. Denn durch Kriegsleut vnd langwirigen Krieg / alle ding je lenger je mehr vie verergeret / der Geiz
Ueib

Neid vnd Hass/ mit aller vntrew/ Duchen/ Zurerey/ Hoffart/ ja
aller hand sünde vnd laster dermassen gewachsen vnd vberhand
genommen / das sie gar grosse Sünde/ für gar kleine / ja gar keine
Sünde mehr zu sein gerechnet/ vnd geschetzt worden/ Darumb
hat die Straffe des H. Ernnoch so viel warnung vnd drowun-
gen / die wir nicht erkennen noch annemen wollen / einest auch
folgen/ vnd vollzogen werden mus. Es leiden die frembde vnd
auslendische Kauff leut / an iren Gütern/ Bahrschafften/ vnd
Schuldner/ den meisten schaden vnd nachteil/ aus vrsach/ das
die Schuldner/ so jetzt alles verloren/ gar nicht/ oder doch lange
sam bezahlen werden können. Item / so müssen solche frembde
Kauff leut ire verlornen Güter vnd Kauffmanschafft / von den
Spanischen Soldaten / auff's thewereste wider Kanzonirt vnd
vnd einkauffen/ von wegen etlicher Spanier vnd Italianer / so
sich auff das einkauffen (vnangesehen das es ihnen verboten
worden) legen/ vnd jnen schler so viel/ als die werth sind / dafür
geben/ etc. Der allmechtige/ gütige Gott vnd Vater/ wolle seine
scharffe Ruth vnd straff/ Väterlich wider von vns nemen/ vns
hinsurd gnediger vnd barmherziger sein / auch ein jedern seines
schadens / nach seinem Göttlichen willen gnediglich vnd Väs-
terlichen ergezen/ Durch Jesum Christum seinen geliebten Son
vnsern Heiland vnd Seligmacher/ Amen/ Amen.

Von dem zehenden bis auff den 14 erfolgt sich / das der Herr von
Zauret / vnd der Herr von Campaign beide zum Prinzen von Oranien
in Seeland kommen / vnd sind im zu Fuß gefallen / Aber nicht so
freundlich/ sondern schimpfflich von im empfangen worden/ denn er sie
als bald mit diesen schimpfflichen Worten gefragt / Wol / wol / hat der
Stedten Krieg ist schon ein ende/ etc. Darauff sie so gut als sie getund/
geantwortet/ entschuldiget / vnd sich ausgerede haben/ Also hat er sie
dennoch mit etwas Gelt versehen/ vnd so bald nach Gent wider abge-
fertiget/ das Schloß allda mit ernst helfen zu eröbern/ oder aber sonst
woll er sich weder an irer Personen/ noch irer Sachen weiter keins we-
ges annemen/ darauff ist das Schloß zu Gent erst mit rechtem ernst zum
Sturm geschossen vnd angegriffen worden / Also/ das sich die wenige
als nur 60. Spanier vngefahrlich / so noch darinnen gewesen / auff den
Dato vor Mittag/ den Stedten ergeben haben/ mit Condition/ das sie
mit ihrer wehr als Soldaten frey zu iren Mitgesellen / ziehen mögen /
welchs jnen auch zugesagt/ auch gehalten worden

Des Mensur von Mondragons Zausraw aber / so darinnen ge-
west / ist noch alda / vnd als gefangen wol verwart / so sagen die Boten /
die aus Flandern herkommen / das sie nach besetztem Schloß schon auff
gebrochen / sollen 40. Tausent stark sein / vnd sind noch 40. Tausent Fuß
knecht / 4000. Pomrs oder Schanzgreber / sampt 2000 schwarze Reu-
ter / teils gleich vertig / Also / das man dermeint / sie sollen dem Land Bras
band zu hülff kommen. Mechel vnd Brüssel halten sich noch behertzt / se-
hen sich mit gewalt wider die Spanier / wollen keinen einlassen / vnd hat
ben die von Mechel jetzt wol 10. Tausent Kriegsknecht von der Sted-
ten Volet zur fürsorde in irer Stadt. Gott wolle ihnen wol zu thun guat
de geben / damit sie nicht wider neuen schaden leiden.

Gestern auff den 13. dieses / sind die Spanische Soldaten fast alle
wider von ihnen weg mit 17. Tausent Welschen / von Monsir de Mon-
dragons Regiment / so aussershalb dieser Stadt gelegen / vnd aus Strick-
see vnd andern Festungen gewichen / vnd jetzt herkommen sind / man acht
auff Mechel oder daselbst herum gezogen.

Das Schloß von Valen hinnen / hat sich den Stedten auch erge-
ben / Desgleichen sol sich Amsterdam vnd Vtrecht / wie man sagt / dem
Prinzen von Oranien auff vnd vbergeben haben.

Etlliche geben für / Don Jan de Austria sey nur selb vierde per pos-
ta zu Lützenburg ankommen / vnd hab als bald ein Lackeyen gen Brüssel
geschickt / derselb sey gestern mit einem Trommeter mit Briefen in
Italische Schloß kommen / vnd gehet die sage / Don Jan de Austria bes-
gere / man solle mit den Kriegen hinsüro still sein / denn der König zu
Spanien wolle künzumb wider Friede in seinen Niderlanden habē / wel-
chen er auch mitbringe / vnd sol der Herzog von Arschot schon mit 2.
beude Reuter vnd etlich Fußvolet gen Namen zu Don de Austria jene
zusprechen / gezogen sein / Gott der Herr wolle vnseris Königs vnd
Don Jan de Austria Herz zu Frieden bestetigen.

Aus Frankreich kommen vier tausent Gasconien / So hat
man Herzog Casimiram vmb 4000. schwarze oder sonst gute Deutsche
Pferde ersucht / der hoffnung / sie sollen bald fertig werden / Der Friede
aber were das beste / den wolle Gott gnediglich verleihen / vnd vns ge-
ben alles das selig sey / Amen.

Auff heut den 15. tag wil man anfahren zu zweiueln / ob Don Jan
de Austria / wie vorgemelt / gewis sonderlich zu Namen ankommen sey
oder nicht / vmb das der Herzog von Arschot aus Brüssel nicht nach
Namen / welches sich mit den Stedten helt / darumb Don Jan de Aus-
tria nicht gern gen Namen kommen wird / sondern gen Bergen / hene-
gav vmb mehr Kriegsvolet / von dannen zu holen / vnd die Stadt zu
versehen / geritten sein sol.

Auch sagt man jetzt / die Spanier / so hie gewesen / vnd wider von hin-
nen verrückt / werden in Lir / Bredaw / Mastricht vnd andere derglei-
chen Festungen in Besatzung gelegt / wollen sich mit Eröberung vnd
Blünderung dieser Stadt Antorff / gleich die en Winter also begnügen
lassen / vnd allem die Festunge vnd Stedte / so sie jetzt haben / ist s möglich
bewahren / vnd darzwischen der grossen hülff / darvon sie gros geschrey

machen / aus Spanien erwarten / den verfolg gibt die zeit.

Der hiesche Castellan weißt jzt des Mondragons 17. Jenlin Welschen / so jzt noch vor dieser Stadt herum ligen / nach Flandern vber das hiesche Wasser zu ziehen / vmb das Schlos vnd Dorff Kuppelmonde / 2. Weil wegés von hinnen / vnd am Wasser ligend / zu eröbern / auch etliche Dörffer nicht weit darvon / als Schwindree / Bower / Calo / etc. dem Herzog von Arschot zugehrent / zu plündern vnd zu verderben / Die Stedte aber / suchen vnd practiciren durch alle mittel mit guten vnd bösen dreuworten auff ire seiten zu ziehen vnd zu überkommen / denn es sind nun fortan fast alles gute vnd erfarnie Soldaten. Also sucht ein jede Parthey seinen vorthail im Kriegen / Meist weil aber / Gott bessers / zu verderbung dieser Niderland.

Ob nun solche 17. Jenlin Welschen bey den Spaniern blieben / oder zu den Stedten sich begeben / wird die zeit mitbringen / Gehet also der Krieg in Flandern vnd Brabant erst an / denn die Flemming sollen den grossen Standort entbunden vnd auffgericht / des gleichen die Brabander / alle ire Lehenherrn vberall auffgemahnet haben / Also / das wol ein mechtiger hauffe Kriegsvolk in kürz zu Ross vnd Fuß zusammen kommen möchte / vmb der Spanier verhoffte hülf zu brechen / vnd zu vor kommen / oder zu nicht zu machen / Welchs dennoch schwerlich zuthun ist / Gott der Herr verleihe der König. Mathest. zu Hispanien Sieg vnd Friede / diese Erblande hinfort gnediglich vor weiterm Schaden vnd verderben / Der Fried were das beste.

Es fleucht ein gros Volk von hinnen an alle ort / sonderlich aber nach Flandern / mit vnd sonderm Passport von hiescher Stadt vnd Schlos / aus sorgen / das diese Stadt noch einmal vberfallen / beleget / vnd ausgehängert werden möchte. Auch ist leider jzt hie nicht mehr zuthun / Also / das man vmb etwas zu gewinnen / wol an andern Irten / denn hie / als nemlich / zu Bruck in Flandern / Hamburg vnd Cöln / dahin sich denn die Kauffmanshandlung vnd gewerb hinfort an / wenden vnd begeben wird / suchen mag. Etliche vermeinen Bruck in Flandern werde durch einnehmung vnd zerstörung dieser Stadt Antwerp / wo es nicht gar bald friede wird / wider zu vnd auffnehmen / vnd vor andern Stedten floriren / vmb das allerley schöne Wahre in Flandern gemacht / auch die frembde Kauffmanschaft zu Wasser dahin kommen / vnd diese zeit noch durch das Land Lüttich vnd Cöln / etc. gebracht vnd gefürt werden kan / vnd so dasselbige Passage / da Gott vor sey / schon auch beschlessen würed / so kan man als denn / vnd wenn es zum ergsten köm / die Güter aus Flandern zu Wasser durch Hamburg / vnd von dannen fort nach Cöln / Nürnberg / etc. wo man die haben wil / führen vnd bringen / dar auff die Kauffleut jzt iren vorstand legen / vnd jeder sein gelegnest ort vnd platz erwehlen / vnd gebrauchen wird.

Auff den 16. wil hiwiderumb vor gewis gesagt vnd auch gehalten werden / das Don Jan de Austria zu Lützenburg per posta wol ankommen sey / vnd hab als bald den Stedten gen Brüssel / auch den hieschen Schlos Bewarern / als den Castellan / Capitainen vnd andern ge-

meinen

meinen Befehlhabern/Generalen/von dannen aus/ bey einem Gesandten neben einem Trommeter/geschrieben.

Man sagt vnd acht / es sey von beiden theilen gründlichen berichte zu haben/von jetziger gelegenheit dieser Nederland/ vnd stillestand dieses Krieges / Ob man darzwischen einige mittel oder weg zu finden / dienstlich erdencken vnd finden möchte/ Vnd nach dem der Herzog von Arschot/ wie man nachsagen wil/ Don Jan de Austria komen ist/ So verhofft man ungezweifelt/die Spanier sollen hinfüran nicht allein/sondern die Stedte auch gehör haben/vnd sich alle sachen dadurch widerumb zur besserung/vnd gar keiner ergerung mehr schicken. Gott/ der Allmächtig ist / wolle nachmals mit seinen Gnaden vnd barmherzigen Augen gnediglich darein sehen / vnd vns den Frieden widerumb/zu vnserer Seelen Seligkeit verleihen/ Amen.





Q4 Tn 4965

ULB Halle
001 923 48X

3



210







New zeytung/
tägliche/jemmerliche
schwarbaffrige Beschreibung / von
dem Raub und plünderung der weit und hochberümbten
Stadt Antwerff/ im Herzogthumb Brabant gelegen/
Und was sich von dem 2. Nouembris/ bis
auff den 16. tag allenthalben zuge-
tragen hat.



NO M. D. LXXVI.

